

增修萬縣志卷十五

地理志

驛傳

萬爲水陸交會之區文書絡繹星使冠蓋相望驛傳所繫綦重原設遞運所集賢水馬驛及急遞諸舖久經裁汰後復設站馬舖司蓋亦重郵置隨時損益之道今記見額並補錄舊制爲後因時制宜者備覽

集賢驛 在縣東五里水驛也

周溪水驛 在縣東五十里

萬縣志

卷十五

地理志

驛傳

一

灤塗水驛 在縣西北百里

以上并見方輿紀要今廢輿程記自忠州水程東行九十里至漕溪驛又六十里至灤塗驛又六十里至集賢驛又六十里卽周溪驛也舊志以漕溪爲巴郡巴東之界今屬忠州

集賢水馬驛舊額站船四隻每年共修造銀二十四兩每船水手六名每年工食銀七兩二錢共銀一百九十六兩八錢協濟旱夫三十二名每年工食銀七兩二錢共銀二百三十兩四錢協濟中馬

三十五匹每匹編銀二十八兩八錢共銀一千八兩  
支應水陸銀四百八兩查照水陸關文牌面廩糧支  
應鋪陳三副每年備造上副一中副二共銀二十七  
兩鋪陳庫子二名館夫六名每年工食銀一十  
二兩共銀九十六兩以上共銀二千三十八兩後俱  
裁

本縣遞運所舊額馬船一十八隻每船每年修造銀  
二十五兩共銀四百五十兩象船二隻每隻每年修  
造銀二十五兩共銀五十兩紅船十隻每隻每年修

萬縣志

卷十五

地理志

驛傳

二

造銀六兩共銀六十兩馬船每隻艚工二名看船二  
名水手一十八名每名每年工食銀七兩二錢共銀  
二千八百五十一兩二錢象船每隻艚工二名看船  
一名水手十六名每名每年工食銀七兩二錢共銀  
二百七十三兩六錢紅船每隻艚工二名水手四名  
每名每年工食銀七兩二錢共銀四百三十二兩隨  
船鋪陳每年量造三副每副估銀一十二兩共銀三  
十六兩以上共四千一百一十二兩八錢後俱裁  
舊額輪船一十五隻每隻風蓬水手什物工食銀一

十四兩四錢共銀二百一十六兩後因錢糧不敷止設站船三隻每隻水手二名每名歲支工食銀二十八兩八錢共銀一百七十二兩八錢每隻橈夫六名每名歲支工食銀一十八兩共銀三百二十四兩以上水橈工食共銀四百九十六兩八錢遇閏加增每季赴藩庫請領康熙二十二年奉文爲驛遞差使甚少照江南例覈減每名日支工食銀二分康熙四十七年奉文爲船隻朽壞裁站船一隻水手二名橈夫六名雍正五年奉文爲水站船隻未收實用船隻水

萬縣志

卷十五

地理志

驛傳

三

橈全裁

舊額應遞馬三十一匹每匹草料鞍轡兩具人夫工食銀二十一兩六錢共錢六百六十九兩六錢後因錢糧不敷未設

見額雍正八年奉文設站馬三匹馬夫一名半每馬一匹日支草料銀六分歲共支銀六十三兩七錢二分馬夫一名日支土食銀四分八釐歲共支銀二十五兩四錢八分八釐康熙六十一年奉文川省有驛馬倒斃照十分補三分之例倒斃馬一匹歲支買補

價銀八兩繳皮臟銀五錢雍正六年奉文川省驛馬棚廠槽鑿照湖北茶馬之例每年每匹銷銀一兩四錢二分歲共支銀四兩二錢六分以上夫馬工料倒斃置補棚廠槽鑿歲共支銀一百一兩四錢六分八釐雍正十年奉文驛站銀兩於本縣地丁銀內扣留支給至倒斃馬匹皮臟變價銀兩解貯按察司庫聽候撥支餉鞘經過每鞘用夫二名每名百里給銀一錢五分預扣夫價銀四百八兩由按察司庫請領有餘仍解歸欸

萬縣志

卷十五

地理志

驛傳

四

原設急遞鋪縣門鋪東達雲陽縣界雙溪紅沙周溪三龍七里凡五鋪西達梁山縣界西溪高粱普安佛寺七里三正觀音分水凡八鋪後俱廢

見設乾隆元年奉文縣設底塘並東西二路共十一鋪每鋪鋪司兵三名每名歲給工食銀六兩共給工食銀一百九十八兩遇閏加增在地丁銀內留支  
以上舊志

萬縣底塘鋪

東達雲陽縣界

紅紗鋪 二十里 大溪鋪 四十里 界牌鋪 六十里

小溪鋪 八十里 洗馬鋪 一百里

西達梁山縣界

西溪鋪 十里 高粱鋪 二十里 佛寺鋪 四十里

三正鋪 六十里 分水鋪 八十里

萬縣志

卷十五 地理志 驛傳

五